

紛紛宦遊子幾人不愧大廉山

三口浪

廉州海中常有浪三口連珠而起聲若雷轟名三口浪相傳  
舊有九口馬伏波射滅其六予有伏波射潮歌云后羿射日  
落其九伏波射潮滅六口海水至今不敢驕三口連珠若雷

吼

廣東新語

大觀港

合浦大洸港卽今大觀港有潮西道名九河江中有赤羊塹  
蛋人取蠔於此又名出蠔塹父老相傳馬伏波征交趾時合  
浦外海運糧至軍恒苦大觀港西二澳沙高水淺必候潮長  
方能行舟時有賊船堵截港口糧船不得出遂昏夜鑿九河

峰腰之地直達烏雷以通糧船乃束羊於鼓繫鈴於烏置之  
鑿上以疑奪運者其掘鑿處約長七八里闊五六丈深三四  
丈兩頭潮水相通但中多海欖木叢生焉

### 羅城江

羅城江源自大江分派其江北岸高南岸下明宏治初知府  
劉烜見其土沃廣可田乃纍石壩於江中橫截水道灌墾爲  
田招民耕種與思里之民至今利之

廣東考  
古輯要

### 白沙江

白沙江在縣東北源出那東江西流入石康大江明嘉靖十  
五年知府張岳令民築壩十五丈截流灌田數百畝

同上

### 思鄉水

思鄉水源出廉州之廢石康縣思峒山至五利江復還本縣  
界內入晏江以其去而復還故名思鄉水予有謠曰水亦思  
鄉向故山人流不似水流還人流若似思鄉水那有離愁在  
世間

廣東新語

### 廉江

廉江在合浦縣北明饒秉鑑詩長江來浩浩何事得廉名自  
是源長潔因之流亦清浪浮雲影動波靜月華明寄語滄浪  
客於茲好濯纓一名宴江

廣東考古輯要

### 象郡

廉地屬象郡昔多產象明正德間合浦大廉山猶有羣象踐  
禾稼知府胡鰲率兵民捕之今則象類日稀少見之矣

同上

草花嶺

草花嶺去縣城二十里圓峰三五疊起多產奇花不可移植  
府志惟杜鵑花最盛春際紅雨滿山而杜鵑亦多鳴其處

白石山

白石山在城東北六十里山石皆白大清一統志東波云青山南  
白石北此地崔峨人不識卽此也廣東輿圖舊石康縣有白石鎮

在山下九域志

九頭嶺

九頭嶺在縣南十里脉自青山繞城東折而西繞廉江邱阜  
累累以千百計江行數之其頭有九故名大清一統志

冠頭嶺

冠頭嶺在縣南八十里西南臨江東北去乾體營四十里脉  
自大廉由草花牛尾漸伏而西躍出海邊亘三十里形勢穹  
窿山石皆黑如冠南北皆澳海船義舟焉大清一統志 臨海岸若外  
郭廣東輿圖潮長撼石如雷相傳交址黎王墓此交址人每年望  
海祭之府志

按脉自老虎嶺至牛尾嶺與草花隔江一統志或失攷

### 五黃山

五黃山在縣西北一百七十里高五百餘丈綿亘數十里  
廣東輿圖相傳昔有樵者迷路遇五人黃冠朱顏指示得歸因名  
大清一統志俗呼為五皇嶺上有五皇廟白鶴觀廣東輿圖

### 冠蓋山

冠蓋山在城東八里形如沙帽

金雞水

金雞水在縣東昔有金雞浴於水旁故名

廣東考古輯要

雁湖

雁湖在縣西北每秋冬有雙雁游其間因名

輿地紀勝

夫人山

夫人山在縣東一名寶山又名殯山寰宇記云廉州有殯山

卽宋陳伯紹殯妻處

同上

糠頭山

糠頭山在縣西北一百二十里尉佗駐軍處居人舂穀積糠成山山若鳴則風颭立至見寰宇記一名狼頭又名軍頭山

廣東  
輿圖

大石屯

大石屯舊有大石常浮水面傳聞有產婦踞其上石不復見

鹿井砦

鹿井砦在縣西南寰宇記太平軍西南至鹿井與欽州烏土  
鎮接界九域志合浦縣有鹿井二砦同上

珠市

珠市爲東粵四市之一在廉城西賣魚街橋畔盛平時蚌殼  
堆積有如玉阜土人多以珠肉餉客雜薑蟹食之味甚甘美  
其細珠若梁粟者亦多實於腹中矣語曰生長海隅食珠衣

珠  
廣東  
新語

王龍巖

王龍巖在北海冠頭嶺下深數丈僧人就巖為寺顏為廉陽古洞寺前數石屹立波心海浪相擊如鳴鼓鐘有清泉從巖面下滴僧接之烹茗飲客甚湛冽

銅船湖

南北湖在縣東北登高山之陽今湮大清一統志湖去縣四十里

志相傳馬援鑄銅船五以其四往征林邑留一於此方輿紀要天

陰雨浮出湖面樵捕者常得見之因名湖曰銅船湖鄜露詩銅船亘奔流又云冒險觸銅船是也又有一牛在湖中以雞酒為祭便大獲魚若此醴不設惟得牛糞而已廣東新語

石巖泉

潭洲有古廟祀三婆在石巖上岩高數十丈天外峭壁有泉一點正落廟庭滴瀝不已

### 古阜民墟

古阜民墟在金肅門舊爲形塲今某舖尙有古墓一昔吳三桂使李成棟陷合浦時知縣金世爵不屈相傳死於此

### 雙月池

雙月池在萬靈寺側每當月夜望池中有雙月相映池後淤塞邑人再於其地鑿之名雙月井不復見雙月

舊志

### 珠池

合浦海中有珠池七所其大者曰平江楊梅青嬰次曰烏坭白沙斷望海猪沙而白龍池尤大其底皆與海通海水鹹而

珠池淡淡乃生珠蓋月之精華所注焉故珠生池中央者色  
白生池邊者色黃以海水震蕩鹹氣侵之故黃也珠者蚌類  
也蚌之陰精圓澤爲珠故郭璞曰瓊蚌晞曜以瑩珠或以爲  
石決明產非也珠一名神胎凡珠有胎蓋蚌聞雷則瘕瘦其  
孕珠如孕子然故曰珠胎蚌之病也珠胎故與月盈朒望月  
而胎中秋蚌始胎珠中秋無月則蚌無胎呂氏春秋云月羣  
陰之本月望則蚌蛤實羣陰盈月晦則蚌蛤虛羣陰揪淮南  
子云蛤蟹珠龜與月盛衰又云月以而羸蚌膳語曰溷蚌之  
精孕爲明月又曰蚌胎之珠隨月圓缺予詩云中秋月滿珠  
同滿吐納清光一一開明月本爲珠作命明珠元以月爲胎  
是也